


起世因本經

第九

二百半
映九

49562



起世因本經卷第九

隋三藏法師達摩笈多譯

劫住品第十

諸比丘世間別有三種中劫何等為三一者
刀兵二者飢饉三者疾疫云何名為刀兵中
劫諸比丘刀兵劫者尔時眾人無有正行不

如法說邪見顛倒具足同行十不善業是時
眾生惟壽十歲諸比丘其人如是壽十歲時

女生五月即便行嫁猶如今日年十五六嫁
向夫家今時地力所生酥油生酥石蜜沙糖
粃米至於彼時一切滅没不復出現又彼人
民壽十歲時純以殺羊毛褐為衣猶如今日



迦尸迦嬌奢耶衣芻摩繒衣度究邏衣句路
摩娑衣劫貝衣甘婆羅寶衣最爲勝妙彼毛
褐衣亦復如是當於尔時惟食稗子猶如今
人食粳米等以爲美食又爲父母之所憐愛
願其十歲以爲上壽亦如今人願壽百歲諸
比丘彼十歲時所有衆生不孝父母不敬沙
門及婆羅門不敬耆舊然亦得他供養承事
讚歎尊重猶如今時行法教人名譽無異何
以故其業尔故又諸比丘十歲時人無有善
名亦不修行十善業道一切多行不善之業
衆生相見各生毒害殺戮之心無慈愍意如
今獵師在空山澤見諸禽獸惟起毒害屠殺

之心

又諸比丘當於彼時一切人民嚴身之具皆是刀仗亦如今人華鬘耳璫頸瓔臂釧指環釵鑷以莊嚴身彼用刀仗亦復如是

又諸比丘當於彼時中劫將末七日之內一切人民手所搢觸若草若木土塊瓦石悉成

刀仗其鋒甚利勝人所造各各競捉共相屠害七日之間相殺略盡因此命終並墮惡趣受地獄苦何以故以其相向各生殺心濁心惡心無利益心無慈悲心無淨心故諸比丘此等名爲刀仗中劫

諸比丘云何名爲飢饉中劫諸比丘飢饉劫

時一切人民無有法行邪見顛倒具足皆行
十不善業以是因緣天不降雨以無雨故世
便飢饉無復種子白骨爲業諸皮活命云何
名爲白骨爲業諸比丘飢饉之時彼諸人民
若於四衢若於街巷城郭行路處處悉往收
拾白骨水煎取汁飲以活命是故名爲白骨
爲業云何名爲諸皮活命諸比丘飢饉劫時
彼諸人民以飢急故取諸樹皮煮飲其汁以
自活命是故名爲諸皮活命諸比丘彼時衆
生飢餓死已皆當下生惡趣之中所謂墮在
閻魔羅世受餓鬼身以彼衆生慳貪嫉妬畏
食物盡爭取藏故諸比丘此等名爲飢饉中劫

諸比丘云何名爲疾疫中劫諸比丘彼時人
民欲行正法欲說如法亦欲行於無顛倒見
亦欲具行十善業道但於是時諸如法人以
其過去無十善業勝果報故遂令非人放其
災氣流行癘疫致使多人得病命終諸比丘
又於如是疾疫劫時更有他方世界無量非
人來爲此間一切人民作諸疫病何以故以
其放逸行非法故彼諸非人奪其精魂與其
惡觸令心悶亂其中多有薄福之人因病命
終譬如國王若王大臣守護民故於其界首
安置忒邏有時他方盜賊忽來由彼忒邏不
謹慎故有放逸故被諸群賊一時誅戮或滅其

家或破村落或屠聚邑或毀國城如是如是
以放逸故他方非人來行疾疫命終皆盡亦
復如是或復彼時他方非人來行疾病時諸
衆生無放逸行但彼鬼大力強相逼惱奪其
精魂與其惡觸令心悶亂於中多有遇病命
終譬言如國王或王大臣爲諸聚落作守護故
安置鎮防或於後時他方劫賊來相侵擾而
是鎮防無有放逸勤謹遮護但彼賊大力強
相逼惱亦能一時誅戮諸人或滅其家村舍
聚落略說如上如是如是諸比丘於疾疫劫
衆人遇病逼切命終亦復如是其身死已皆
得止昇生諸天中所以者何爲彼衆生無相

害心無惱亂心有利益心慈心淨心故當命
終時又各相問汝病可忍得少損不頗有脫
者頗有起者頗有疾病全差者不諸比丘以
是因緣得生天上此等名爲疾疫中劫諸比
丘是名世間三種中劫

起世因本經世住品第十一

諸比丘於世界中四無量不可量不可稱
不可思議若天若人世中筭數欲取其量經
若干年若干百年若干千年若干百千年若
千俱致年若干百俱致年若干千俱致年若
千百千俱致年終不能得何等爲四諸比丘
若世界住此不可得筭計而知若干年若干

百年若干千年若干百千年若干俱致年若
千百俱致年若干千俱致年若干百千俱致
年諸比丘若世界住已壞亦不可得筭計而
知若干年若干百年若干千年若干百千年
若干俱致年若干百俱致年若干千俱致年
若干百千俱致年諸比丘若世界壞已復起

此亦不可筭計而知若干年若干百年若干
千年若干百千年若干俱致年若干百俱致
年若干千俱致年若干百千俱致年諸比丘
若世界成已住此亦不可筭計而知若干年
若干百年若干千年若干百千年若干俱致
年若干百俱致年若干千俱致年若干百千

俱致年

諸比丘此等名爲四種無量不可量不可稱不可思議若天若人無有筭計而能數知若干百千万年若干百千万俱致年者

諸比丘於此東方所有世界轉住轉壞無有間時或有轉成成有轉壞諸比丘南西北方所有世界轉成轉住轉壞亦復如是諸比丘如五段輪除其軸已旋轉不住無暫閑時略說世界亦復如是又如夏雨其滴麤大相續下注無有休閒如是東方南西北方成住壞轉無停住時亦復如是

諸比丘於其中間復有三灾何等爲三一者

火災二者水災三者風災於火災時光音諸
天首免其災水災之時徧淨諸天首免其災
風災之時廣果諸天首免其災云何火災諸
比丘火災起時諸衆生等皆有善行所說如
法正見成就無有顛倒具足修行十善業道
無覺觀禪不用功修自然而得時彼衆生以
神通力住於虛空住諸仙道住諸天道住梵
行道如是住已受第二禪無覺觀樂如是證
知成就具足身壞即生光音天中地獄衆生
畜生衆生閻魔羅世阿修羅世四天王世三
十三天須夜摩天兜率陀天化自樂天他化自
在天及魔身天乃至梵世一切衆生於人間

生悉皆成就無覺無觀快樂證知身壞即生
光音天處一切六道皆悉斷絕此則名爲世
間轉盡

諸比丘云何世間住已轉壞諸比丘當於彼
三摩耶時無量時長遠時天下亢旱無復雨
澤所有草木一切乾枯無復遺餘譬如葦荻
乘青刈之不得雨水乾枯朽壞無復遺餘如
是如是諸比丘天久不雨一切草木悉皆乾
枯亦復如是

諸比丘諸行亦尔一切無常不久住不堅牢
不自在破壞之法應當厭離速求解脫
復次諸比丘尔時有迦梨迦大風吹八万四

千由旬大海之水皆令四散於下。即有日大
宮殿便吹一日出在海上。置於須彌山王半
腹之間。去地四万二千由旬。日行道中。諸比
丘此名世間。第二日出世間。諸小陂池溝河
一切乾竭。無復遺餘。諸比丘一切諸行悉皆
無常。略說如上。當求免脫。復次諸比丘略說
如前。迦梨迦風吹大海水。復出宮殿。置日道
中。是名世間。第三日出世間。所有大陂大池
大溝大河及恒河等一切諸河悉皆乾竭。無
復遺餘。諸行亦尔。一切無常。如是次第。世間
復有第四日出。尔時一切大水大池。所謂善
現大池阿那婆達多。大池曼陀祇尼大池。地

滿大池等悉皆乾竭無復遺餘諸行亦尔一切無常如是次第世間復有第五日出當於是時此大海水漸漸乾竭初少減損如齊脚踝乃至轉減如至脚膝乃至半身乃至一身二三四五六七人身齊此乾竭諸比丘五日出時大海之水漸更損減半多羅樹乃至一多羅樹或二三四五六七多羅樹漸復乃至半俱盧奢一三三四五六七俱盧奢減損乾竭乃至半由旬一由旬二三四五六七由旬以漸而減乃至一百由旬二百由旬三四五六七由旬以漸而減諸比丘五日出時大海之水漸復損減一千由旬二千由旬乃至

三四五六七千由旬諸比丘當於世間五日出時彼大海水所餘殘者略說乃至七千由旬或至六千五四三二一千由旬如是乃至七百由旬六百由旬五四三二一百由旬餘水殘在如是乃至或七由旬或六由旬五四三二一由旬在或復減至七俱盧奢六拘盧奢五四三二一俱盧奢餘水殘在諸比丘於世間中五日出時彼大海水餘殘在者深七多羅樹或六多羅樹五四三二一多羅樹或復餘水深如七人或如六人五四三二或復一人乃至半人或膝已下或至於踝水殘齊此又五日出時於大海中或時少分有餘殘

水如秋雨時牛跡之中少分有水如是如是
五日出時大海之中少水亦亦又諸比丘五
日出時彼大海中於一切處乃至乾竭無復
餘水如塗脂者諸比丘一切諸行亦復如是
無常不久須臾暫時略說乃至可厭可離應
求免脫

復次諸比丘略說如前乃至六日出現世時
彼四大洲及八万四千小洲一切大山乃至
須彌山王並皆烟起起已復起猶如瓦師燒
器物時器上火焰一時俱起起已復起其火
遂盛充塞徧滿如是如是彼四人洲及諸大
山烟起猛壯亦復如是略說乃至諸行無常

應求免脫

復次諸比丘略說如前七日出時彼四大洲
及八万四千小洲一切大山乃至須弥山王
並皆洞然地下水際亦悉乾竭水聚既盡風
聚亦消如是火焰熾盛之時須弥山王頂際
上分七百由旬一時崩落其火轉熾風吹上
燒梵天宮殿惟不能至光音天中尔時彼天
所有後生光音天子未知世間劫有轉壞轉
壞已成及轉住故皆生恐怖驚愕顫悚咸相
謂言將無火焰延來燒此光音宮殿是時彼
中舊生光音諸天子輩善知世間劫壞成住
慰喻後生諸天子言汝諸仁等莫驚莫畏汝

諸仁等莫驚莫畏所以者何諸仁當知昔有
光焰亦至於此時諸天衆聞此語已即便憶
念往昔火光憶念彼光不離於心故得此名
所謂光天彼火如是極大熾然猛焰洪赫焚
其灰燼無復遺餘而可記識諸比丘諸行如
是略說乃至可求免脫

諸比丘云何世間壞已復成諸比丘今時復
經無量久遠不可計數日月時節起大重雲
乃至徧覆梵天世界既徧覆已注大洪雨其
滴甚麁或如車軸或復如杵經歷多年百千
万年彼雨水聚漸漸增長乃至梵天所住世
界其水徧滿然彼水聚有四風輪之所任持

何等爲四一名爲住二名安住三名不墮四名牢王時彼水聚雨斷已後還自退下無量百千万億由旬當於尔時四方一時有大風起其風名爲阿那毗羅吹彼水聚波濤沸涌混亂不停水中自然生大沫聚時阿那毗羅大風吹彼沫聚擲置空中從上造作諸梵宮殿微妙可愛十寶間成所謂金銀瑠璃頗黎赤珠車璫瑪瑙諸比丘以此因緣有斯上妙宮殿牆壁梵身諸天世間出生諸比丘如是作已彼大水聚復更退下無量百千万億由旬略說如前四方風起名阿那毗羅由此大風吹擲水沫復成宮殿名魔身

天牆壁住處如梵身天無有異也惟有寶色
精麗差降少殊異耳如是造作他化自在諸
天宮殿化樂諸天宮殿次後造作刪兜率陁
諸天宮殿次造夜摩諸天宮殿如是次第具
足出生皆如梵身諸天宮殿但其寶色漸少
麤異

諸比丘時彼水聚轉復減少乃更退下無量
百千万億由旬湛然停住於水聚中周而四
方自然起沫浮在水上厚六十八億由旬周
闊無量譬言如泉池及陂泊中普徧四方皆有
浮沫弥覆水上凝然而住如是如是諸比丘
彼水聚中普四方面浮沫在上厚六十八億

由旬周闊無量亦復如是

諸比丘時阿那毗羅大風吹彼水沫即復造
作須彌山王次作城郭雜色可愛四寶所成
所謂金銀琉璃頗黎等寶諸比丘以此因緣
世間便有須彌山王出生顯現諸比丘又於
是時毗羅大風吹彼水沫於須彌山王上分
四方造作山峯其峯各高七百由旬雜色殊
妙七寶合成所謂金銀乃至車璆瑪瑙以是
因緣世間出生四大山峯彼風如是次第又
吹水上浮沫為三十三天造作宮殿次復更
於須彌山王東西南北半腹之間四万二千
由旬處所為四大天王造作宮殿城壁垣牆

皆是七寶端嚴殊妙雜色可觀如是訖已
時彼風又吹水沫於須彌山王半腹之間四
万二千由旬爲月天子造作宮殿高大城壁
七寶成就雜色莊嚴如是作已復吹水沫爲
日天子具足造作七大宮殿城郭樓櫓皆七
寶成種種莊嚴雜色可觀以是因緣世間便
有七日宮殿安住現在又諸比丘其風次吹
彼水聚沫於須彌山上更復造作三處城郭
七寶莊嚴雜色殊妙所謂金銀乃至車璫瑪
瑙等寶以此因緣如是城郭世間出生復次
諸比丘時阿那毗羅大風又吹此沫於海水
上高万由旬爲空居夜叉造頗梨宮殿城郭

樓櫓皆亦頗黎諸比丘以此因緣世間便有
空居夜叉宮殿城壁具足出生

復次諸比丘時阿那毗羅大風又吹水沫於
須彌山王東西南北各各去山一千由旬大
海之下造作四面阿修羅城七寶莊嚴微妙
可愛乃至世間有此四面阿修羅城如是出生
復次阿那毗羅大風吹彼水沫擲置須彌山
王之外即於彼處復造大山名曰佉提羅迦
其山高廣各四万二千由旬皆是七寶莊嚴
成就殊妙可觀諸比丘以此因緣世間便有
佉提羅迦山如是出生
復次阿那毗羅大風吹彼水沫又擲置於佉

提羅迦山外更於彼處造作一山名曰伊沙
施羅其山高廣各二万一千由旬雜色可愛
七寶所成乃至車璫瑪瑙等寶諸比丘以此
因緣世間便有伊沙施羅山如是出生復次
阿那毗羅大風吹彼水沫又更擲置伊沙施
羅山外亦於彼處造作一山名曰由軋施羅
其山高廣一万二千由旬雜色可愛乃至車
璫瑪瑙七寶所成諸比丘以此因緣世間便
有由軋施羅山王顯現出生如是次第作善
現山高廣正等六千由旬次復造作馬片頭
山舊云高廣正等三千由旬次復造作尼民
施羅山高廣正等一千二百由旬次復造作

毗那耶迦山高廣正等六百由旬次復造作
斫迦羅山高廣正等三百由旬雜色可愛皆
是金銀瑠璃頗梨赤珠車璫瑪瑙等七種妙
寶之所成就具說如上造佉提羅迦山無有
異也

諸比丘以此因緣世間便有斫迦羅山等如
是出生

復次阿那毗羅大風吹彼水沫又散擲置斫
迦羅山外於四方面作四大洲及八万小洲
并餘大山如是展轉造作成諸比丘以此
因緣世間便有此四大洲八万小洲諸大山
等次第出現

復次阿那毗羅大風吹彼水沫過四大洲八
万小洲須弥山王并餘一切大山之外周而
安置名曰大輪圍山高廣正等六百八十万
億由旬牢固真實金剛所成難可破壞諸比
丘以是因緣大輪圍山世間出現

復次阿那毗羅大風吹掘大地漸漸深入乃
於其中置大水聚湛然停積諸比丘以此因
緣於世間中便有大海如是出生復何因緣
此大海水如是鹹苦不堪飲食諸比丘當知
此事有三因緣何等爲三一者從火災後經
無量時長遠時起大重雲弥覆凝住乃至梵
天然後降雨其滴甚大廣說如前彼大雨汗

洗梵身天一切宮殿次復徧洗魔天宮殿他
化自在天宮殿化樂天宮殿兜率陀天宮殿
夜摩天宮殿洗已復洗如是大洗洗彼宮時
所有鹹辛苦味悉皆流下次復徧洗須彌山
王及四大洲八万小洲諸餘大山輪圍山等
如是洗時浸漬流盪其中所有鹹辛苦味一
時井下入大海中諸比丘此第一因緣令大
海水鹹不堪飲

復次此大海水爲諸大神大身衆生之所居
住何者大身所謂魚鼈虬獺龜鼉蝦蟇宮毗
羅低摩邪低寐彌羅低寐兜羅兜羅祁羅等
其中或有百由旬身二百由旬三四五六七

百由旬有如是等大身衆生在其中住彼之
所有屎尿流出皆在海中以是因緣其水鹹
苦不堪飲食諸比丘此爲第二鹹苦因緣復
次此大海水古昔諸仙曾所祝故諸仙祝言
願汝成鹽味不堪飲願汝成鹽味不堪飲諸
比丘此是第三鹹苦因緣今大海水鹹不堪
飲復次有何因緣太熱沃焦世間出也諸比
丘當此世界劫初轉時始成就時阿那毗羅
大風吹彼日天六大宮殿悉皆置於大海水
下所安置處其地分中彼大水聚並即消盡
不得流汎諸比丘以此因緣世間有大熱
沃焦示現出生是名世間轉壞已住

復次何名世間轉壞成住。諸比丘猶如今者。世間成已如是住立而有火災云何復有水災出也。

諸比丘水災劫時一切人民有如法行說如法語正見成就無有顛倒持十善行彼諸人等當得無喜第三禪處不勞功力無有疲倦自然得之時彼衆生得住虛空諸仙諸天梵行道中得任中已歡喜快樂即自稱言諸仁者快樂快樂此第三禪如是快樂。爾時彼處一切衆生皆共問此得禪衆生彼便答言善哉仁者此是無喜第三禪道應如是知彼諸衆生既得知已便復成就如是無喜第三禪。

道成就已證證已思惟思惟已住身壞命終
生徧淨天如是下從地獄閻魔羅世阿修羅
世四天王天乃至梵世光音諸天自此已下
一切衆生一切處一切有皆悉斷盡諸比丘
是名世轉

復次云何世間轉已而壞諸比丘經無量久
遠三摩耶時大雲徧覆乃至充滿光音諸天
自是已下兩沸灰水無量多年略說乃至百
千億年諸比丘彼沸灰水雨下之時消光音
天所有宮殿悉皆滅盡無有形相微塵影像
可得識知譬如以蘇擲置火中消然都盡無
有形相可得驗知如是如是彼沸灰水雨下

之時消光音天諸宮殿等亦復如是無相可
知諸比丘諸行無常破壞離散流轉磨滅須
臾不停亦復如是可厭可患應求免脫諸比
丘如是梵身諸天魔身化樂他化自在兜率
夜摩諸宮殿等爲沸灰雨澆洗消滅略說同
前如蘇投火融消散失無有形相亦復如是
乃至一切諸行無常應求免離諸比丘彼沸
灰水雨下之時雨四大洲八万小洲并餘大
山須彌山王消磨滅盡無有形相可得記識
廣說如前應可患厭如是變化惟除見者乃
能信之此名世間轉已而壞復次云何轉壞
已成諸比丘尔時起雲注大水雨經歷多年

起風吹沫上作天宮廣說乃至如火災事是
爲水災復次云何有於風災諸比丘欲風災
時一切衆生如法修行成就正念生第四禪
中廣果天處地獄衆生捨地獄身來生人間
修清淨行成就四禪亦復如是諸畜生道閻
魔羅世阿修羅世四天王天三十三天夜摩
天兜率陀天化樂天他化自在天魔身天梵
世光音徧淨諸天等皆修行成就四禪廣說
如上

諸比丘是名世轉云何轉壞諸比丘經於無
量久遠三摩耶時有大風起其風名曰僧伽
多隋言諸比丘彼風先吹徧淨諸天一切宮殿令

相揩磨遂至壞滅無有餘殘而可記識譬如
壯士取二銅器兩手執之相揩不已破壞消
滅無有形相餘殘可識彼和合風吹徧淨天
宮殿磨滅亦復如是諸比丘諸行無常破壞
離散須臾不久乃至可厭應求免脫如是次
第吹光音天所有宮殿梵身諸天所有宮殿
魔身天他化自在天化樂天夜摩天一切宮
殿相揩相觸相揩相磨一一皆令無形無相
無影無塵而可記識諸比丘一切諸行亦復
如是敗壞不牢無有真實應當厭離早求免
脫諸比丘彼風又吹四大洲八萬小洲并餘
大山須彌山王或令舉高一拘盧奢分散破

壞或二或三四五六七拘盧奢已分散破壞
或吹令高一由旬二三四五六七由旬或吹
令高百由旬二三四五六七百由旬分散破
壞或吹令高千由旬二三四五六七千由旬
或吹令高百千由旬分散破壞彼風如是吹
破散壞一切皆令無形無相無有微塵餘殘

可見譬如壯健丈夫手把麥莩末令粉碎回
空擲之分散飄颺無形無影如是如是彼風
吹破諸洲諸山亦復如是惟除見者乃能信
之此名世間轉任已壞

復次世間云何壞已轉成諸比丘如是復經
無量年歲極大長遠三摩耶時起大黑雲普

覆世界乃至徧淨天宮既徧覆已便降大雨
其滴麤大或如車軸或復如杵相續注下經
歷多年百千萬年水聚深積至徧淨天悉皆
盈滿四種風輪之所任持如前所說乃至吹
沫造徧淨宮七寶雜色顯現出生一一皆如
火災水災次第而說諸比丘是名世間壞已
轉成云何世間轉成已任諸比丘猶如今者
天人世間轉成已任諸比丘如是次第皆以
風吹此等名爲世間三災

起世因本經最勝品第十二

復次諸比丘世間轉成如是成時諸衆生等
多得生於光音天上是諸衆生生彼天時身

心歡豫喜悅爲食自然光明又有神通乘空而行得最勝色年壽長遠安樂而住諸比丘。爾時世間轉壞已成空無有物諸梵宮中未有衆生光音天上福業盡者乃復下生梵宮殿中不從胎生忽然化生此初梵天名娑訶波帝。娑訶者世界名也。波帝者主也。爲如是故有此名生諸比丘。爾時復有諸餘衆生福壽盡者從光音天捨身命已亦於此生身形端正喜悅住持以爲飲食自然光明有神通力騰空而行身色最勝。即於其間長時久住。彼諸衆生如是住時無有男女無有良賤。惟有此名名曰衆生衆生也。

復次諸比丘當於如是三摩耶時此大地上
出生地肥周徧凝住譬如有人熟煎乳汁其
上便有薄膜停住亦如水膜停住水上如是
如是諸比丘復於後時此大地上所生地肥
凝然停住漸如鑽酪成就生蘓有如是等形
色相貌其味甘美猶如上蜜尔時衆生其中
忽有性貪嗜者作如是念我今亦可以指取
此試復嘗之令我得知此是何物時彼衆生
作是念已即以其指深齊一節沾取地味吮
而嘗之嘗已意喜如是一沾一吮乃至再三
即生貪著次以手抄漸漸手掬後遂多掬恣
意食之時彼衆生如是抄掬恣意食時復有

無量其餘諸人見彼衆生如是食噉亦即相
學競取而食諸比丘彼諸衆生取此地味食
之不已其身自然漸漸澀惡皮膚麁厚顏色
濁闇形貌改異無復光明亦更不能飛騰虛
空以地肥故神通滅沒諸比丘如前所說後
亦如是尔時世間便成黑闇諸比丘爲如是
故世間始有大闇出生復次云何於如是時
世間忽然出生日月及諸星宿便有晝夜一
月半月年歲時節等名字生也諸比丘尔時
日天勝大宮殿從東方出遶須弥山半腹而
行於西方沒西方沒已還從東出尔時衆生
復見日天勝大宮殿從東方出各相告言諸

仁者還是日天光明宮殿再從東出右遠須
 弥當於西没第三見已亦相謂言諸仁者此
 是彼天光明流行此是彼天光明流行也是
 故稱日為修黎耶修黎耶
言此是彼也
 故有
 如是名字出生

起世因本經卷第九

飢饉

下鎮反渠

杭粳

上音庚

殺羊

上音古

毛褐

下葛反胡

莠

反楚俱

繒

反疾陵

稗子

上音拜反

殺戮

下音

耳璫

下音

當

釵鑷

下反奴

棠觸

上音直

癘疫

上音于益反

溝

反古侯

式邏

上詩注

暫亢

上音苦

癘疫

上音于益反

溝

反古侯

下音

蹀

反胡瓦

驚愕

下音吾

顛悚

上音戰

灰燼

下反徐

反徐

天

映

混 乱 本上 反胡 差 降 佳上 楚 陂 泊 正下 疋 薄 反 凝 然 上

陵 掘 反其 勿 醜 鹵 二音 咸 浸 漬 智下 在 流 盪 下音 虬

獺 上 渠 幽 反 伍 寐 名下 前 袂 經 作 迷 私 反 魚 邠

渠 移 他 達 反 屎 尿 所 祝 与下 之 右 反 音 作 坵 弥 反 魚 邠

焦 上 烏 篤 反 流 沉 与下 芳 梵 反 同 椽 觸 上 直 反 藪 沃

音 下 子 消 反 官 吮 詞 軟 抄 反 楚 交 掬 音 庚 反 藪 音



